

同福吳氏族譜總錄序

譜法之行蓋古也何須一一於其間哉惟我吳之得貫福州也
有諱寧是爲始顯之祖再傳而有諱大陞高麗門下侍中以貞
忠偉烈特贈諡文獻文獻之裔乃蔓延八域而有二大派者
一曰文齊公脚下一曰文明公脚下也此文靖之男六房中最
著者也而文靖直文獻公之孫諱璿官贊成事此兩派雲仍合
刊曰大譜分刊曰派譜在昔崇禎壬辰以及壬子丙寅乃合
此以刊也丙午辛丑乃分此而刊也而合中有分分中有合此
乃天機之使庶不爲人謀之所及何怨乎何尤哉於是收修之
議又起於文明公脚下拖到于今事難就完實由卷帙之浩穰

物價之高翔也以故惟我文齊公脚下雲仍自爲團聚共成一
編不謀以同嗚呼寔哉謹按此編之實非直爲收族系世也已
寔爲一部三綱也其在勝國奕世蟬聯已無可論而以若歸隱
之貞忠義節感泉之感天彰孝毅齋之卓行懿節嚴溪之異應
孝行竹林之高潔學術休亭之討逆舉義耀人耳目或爲建祠
血食或爲贈職命旌以表其門以及夫人高氏不避凶鋒蒙
冑就義又永慕齋百花亭雲海誠泉曉軒諸公卓犖之行未及
蒙塵之典而今世遂煥矣可勝痛惜祀宋莫徵孔子苦缺二代
之禮五胡亂萃程子歎無百年之家以後之視今猶今之視昔
則凡我同譜恪敬爾儀各自尊閣宜以爲報萬一於積德厚蔭

之先則老焉以敦親講睦於花樹爛熳之日少焉以孝悌油然而
於螽斯詵揖之家續復有河清庶可以免其缺之歎之則何幸
如之宜各勉旃

歲在乙丑二之日後孫輔相謹識

跋

嗚呼是編也譜我龜城之後裔也凡爲貫福州而祖文獻者
其數殆遍滿於權域剩爲華胄者誠世襲詩禮行篤忠孝自
勝國以降也以故合族修譜凡爲六度而三以大三以小大
小分合蓋由乎當時之權衡何嘗著論也哉去癸亥之春貫
州之族亦啓此議發文者累矣而未克歸一者乃役浩而力

綿也是故文齊公脚下自爲一編歸隱后漢鍾輔栢炳默炳藎
在國感泉后愷鎮漢鏖毅齋后邵桂呂相諸丈寔爲共督此
役也而始於旌之九九訖於柔之七七余亦叅在臚列之尾
以觀此諸丈敦親厚倫之誼慕先燾后之義實至誠惻悵皆
由肚裏中出來也於是乎親承警咳之餘感服薰襲爐鞴之
化以構拙語於編尾曰雖有族而不收豈曰族也雖修譜而不
親亦豈云譜也哉是以親親講睦寔爲族譜之大關鍵也故譜
法行大有益於朝廷程張二先生之所許也程張豈欺余哉
記此愚懇以告來裔

丙寅六月之再吉後孫炳齡謹跋